

蘆洲詩鈔

中

和書門	
二六四七七	類
三四	函
三八	架
三	冊

內閣文庫	
二六四七七	和書類
三四	函
三八	架
三	冊

詩集文集

內閣文庫	
番號	和 26477
冊數	3 (2)
函號	206 390



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



蘆洲詩鈔卷之中

乙卯

新春遍遊諸梅莊五首每句押韻

江都 植村正義子順

淺草文庫

梅王德馨薰南邦。先知衆花北面降。新禧要試筆如杠。
 且背朱門向墨江。不省門間繫馬椿。直向籬叢過石缸。
 猛香一陣森如鏃。穿我鼻孔神將懽。留賞還堪剔玉缸。
 何妨華鯨催暮撞。林下已絕足音跫。啗啗只聽隔花尅。
 月娥迎我捲雲幢。花仙勸我舉銀缸。我和花月倚一窻。
 清影但得三人雙。墨水

北辰廟東東祠南。卧龍芳種勞遐探。比大耳兒我雖慙。如魚有水喜何堪。雪吹暗香窸茅庵。鶯聲悄似退人談。凝立林下態成憨。顧其影三嗅香三。龜井

村路淹雪泥半埋。牛蹄馬蹄混芒鞋。一間屋茅半扉柴。林翁棲止適吾懷。花滿園猶雪滿階。喚銀世界名何乖。碑字曾刻三字楷。知他樂師費安排。黃昏出門春仍佳。淡粉輕烟月滿街。彷彿羅浮夢中娃。半醉師雄眼一揩。

四谷

浮浪之花付汰淘。斗筭之人去糠糟。山陰林下世堪逃。頻移吟屐豈言勞。識面仙妃戴玉搔。知音公子著金袍。

剩見盤飮抵太牢。平吞白帟滿腹饒。未有春雨流脂膏。猶有春風挾剪刀。記曾風雪春蕭騷。同詠寒字會詞曹。

能忍此寒孰詩豪。梅邊聳肩比清高。根岸。前歲癸丑春雪日。同枕夫子并同社諸子。會于此。同詠寒字。夫子有句云。仙丹換骨無他術。只在梅邊忍此寒。

高人獨結白雲巢。不納紫陌塵俗交。百畝之間一衡茅。遠聞暗香溢晴郊。停留非關馬足跑。邂逅適願凡百拋。不作酩酊傾瓢斝。不作貪饒盡籜包。清臞相合如漆膠。好嚼茗芽論推敲。春風掃地絕喧呶。唯見玉屑下雲梢。

田端

梅花七首

山城客裏一春狂。幾度醉眠身染香。不分夜窻殘雪影。欺他月下縞衣裳。憶梅

心腸鐵石夢偏奇。新暖餘寒春淺時。一片清魂化胡蝶。

南柯不入入南枝。夢梅

出處不同桃李儔。春前一笑恣風流。帽檐簪去何心意。

擬使花魁坐上頭。簪梅

不用微吟擁鼻來。好薰懷抱滌塵埃。清香養氣勝于酒。

三嗅何唯當一杯。嗅梅

春寒吹雪小窓清。試助吟哦嚼落英。吐出胸中三斗墨。

一時忽見化瑤瓊。嚼梅

携向春泉浴一回。雪肌不合泥浮埃。恐他根觸玉鬢亂。

著意輕輕扶起來。浴梅

南面稱孤豈強顏。元知香祖出仙寰。可憐未正花王跡。

芳骨摧殘雨暗山。惜梅

讀梅妃傳

牡丹誇國色。海棠逞春粧。喚做難兄弟。上苑競春光。可

憐梅花質。敢要映宮牆。春光來何早。先吹天下香。楊氏

與緜國。意壓江氏娘。豈知忝名字。獨傳千歲芳。君讀梅

妃傳。足以知明皇。解聽倉庚韻。豈唯愛鴛鴦。

梶原源太筍間挿梅花圖

蘆州寺少卷之中

一谷群敵應弦倒。再賈餘勇向八島。箭盡猶嫌負空筈。
滿插梅花氣豪麤。此人此花足千古。花如玉龍人如虜。
銳氣爭先登錢岨。猛香鬪魁渡檀浦。風情當年曲裏彈。
骨格今日畫中看。灑筆忽見奮戟勢。一窓香雪吹春寒。
白芍藥次吳穀人韵

巖公過杜子草堂圖

江村暑氣薄。將軍枉駕來。白沙翠竹際。便抵滄洲隈。貧

家無供給。爭得進玉醅。此心能忖度。相携盤與杯。非關
三顧計。何厭來百回。最謝王太守。能愛陶公才。玉階蟻
偶語。綺窓蠅喧逐。草閣深且靜。清風掃早埃。時傳款乃
曲。遠浦夕陽開。賓主相忘久。不見白鷗猜。

玄真夏釣同用釣字

身外涼波寬。眼底公卿少。熟梅雨乍晴。綠樹暗海嶠。興
來理釣絲。也足助詩料。江山勝三公。嚴陵是同調。投竿
不羨魚。太公同其妙。長夏真可樂。絕勝寒江釣。

石榴花

薰風五月雨絲寒。阿措濕裙痕未乾。映徹欄邊紅燭影。

誤為光武燎衣者。

午睡

午夢忘浮世。松風涼滿身。前生何等者。太華懶眠人。

碧筒杯

竒製誰誇綠玉觴。就他象鼻吸醇芳。剪莖欄畔紅裙濕。刺葉樽前素手香。清冷味含伊水雪。精華氣泛歷城霜。擬曾池上侯家宴。幾柄供賓飲夕涼。

食冰

夏日真可畏。隨甌苦熱沸。家家一片冰。大嚼飽涼氣。誰抱相如渴。仙掌雨露紛。莫乃老成子。學幻於尹文。或知

大疑山。千年堅不釋。赫赫六月天。貢獻馳晴陌。貴家齊受之。拌起試玉匙。有人惠殘片。僥倖吾自知。寧料熱官手。傳入寒士口。誰復移赤脚。南望壑松走。

觀蓮

睡起湖樓日已斜。趁涼呼艇立汀沙。從來我亦嫌銅臭。只嗅龜堂夢裏花。

蝙蝠

蝙蝠忽飛出。西窓燈火孤。玉琴時復響。柳露散真珠。

周瑜

火攻困魏榮竒哉。連艦燒殘焰未灰。不是君王能斫案。

東南風勢幾曾來。

富嶽圖

憶昨試客衫。過關路入函。此日天風快。闢開瘴霧緘。突兀當馬頭。芙蓉一峰攬。不生衆草細。何況大松杉。上頭白雪堆。半腹紅暎銜。名字屬不二。形勢自不凡。屏山今畫此。筆妙抵神劔。不辨真與寫。寧論玉又瑊。欲趁涼風候。再攀舊巉巖。仙人應有待。招我手擦擦。

小湖樓涼雨

擘浪電光紅幾揮。轟轟雷吼碎炎威。無人失箸醉仍笑。有壁掛梭搖欲飛。翠箔捲來風滅燭。畫欄凭處雨侵衣。

夜深雲斷水容靜。黯澹荷陰含月輝。

秋感三首次吳穀人韻

江湖景物日蕭疎。臺閣故人誰憫余。露冷松梢多警鶴。水清潭底少棲魚。萼絲羹美孤蓬酒。螢火燈殘一卷書。秋士先知歲云暮。愁聽蟋蟀偃蓬廬。

初涼天氣雨初休。節過中元懶出遊。夜月芙蓉何處殿。秋風紫葢此間舟。雀能捕捉黠螳困。蚶亦經營狂蝶愁。不管人生閒得喪。飄飄笈比一沙鷗。

文章千古好譏彈。未見才華開筆端。芳草池塘春夢遠。疎桐院外夕陽寒。學追流水跡逾遠。運付浮雲心自寬。

幾日江湖落吾手。一竿風月子陵灘。

風雨連日再次前韻

枿木將摧梧葉疎。闌風伏雨幾愁余。山鳴豈有安巢鳥。水濁終無掉尾魚。冷透宮人箱底扇。濕侵隱士枕中書。萬間廣廈吾何得。一任群童笑敝廬。

霖霖雨意未休休。故使吟人欠快游。花墅無時移短策。月江何夜放扁舟。迸床蘭氣牽閒夢。繞砌蕉聲攪暗愁。孤泊記曾烟渚晚。暮紅疎處伴眠鷗。

退居長鋏懶重彈。卧聽淋淋灑屋端。吟硯墨融鸚鵡濕。薰爐香燼鷓鴣寒。採樵翁患溪橋沒。垂釣童忻水鑑寬。

莫笑覆舟滄海客。世途人盡沂危灘。

秋日同枕夫子樂山子梅花鷺月兩師。游墨水百

花園。遂到寶泉精舍分韻賦詩。

訪秋何處佳。落日村籬下。秋士與秋花。各憐心性野。

悟詩如悟禪。妙趣歸靜坐。好從象王徒。更上獅子座。法堂秋更佳。不著塵土浣。臨潭僧示空。看竹士忘餓。忽然聞桂香。月邊暮雲破。了得半日閒。乃擬古人過。

木芙蓉限韻

熙熙堂席上同夢香翁賦

江上新姿好美媠。商光未必屬西郊。魏花嬌艷曾分色。陶菊清高預結交。玉露翠沾霜後葉。錦雲紅蘸水中梢。

難尋前世周家寵。六月春風夢一拋。

李密

楊花將老李花新。此際謳歌誤此人。早識秦王是英主。須令本史贊純臣。

歸燕

社鼓促歸秋幾敲。敢容新鴈訂新交。玄經泥污留陳迹。空屋塵封掛故巢。草冷烏衣春夢巷。柳疎紅榭夕陽梢。果然浮世危於幕。愧我區區事未拋。

杜牧之

薄倖青樓事易違。茶烟林外夢依稀。惜公閒却談兵口。

十載飄然落妓圍。

黃山谷

涪叟詩篇豈易刪。却求竒巧引譏訕。女兒自有天姿好。枉把鉛華浣素顏。

陸放翁

垂老何曾誤令聞。當年俗眼看難分。勸他細讀南園記。太傅規箴是此文。

風雨重陽

滿城風雨近重陽。及到重陽晴巨量。心管授衣嘆姉疾。眼看落帽羨人狂。遠山烟濕萸應熟。幽徑泥深菊欲荒。

且學樊川成酩酊。登臨何必問仙方。

初冬寓感

極目傷心獨下樓。霜天日薄暮陰幽。楓林誰肯停車愛。書帙唯能閉戶謀。十月春華妨快醉。五更寒勢觸窮愁。風刀斷夢殘燈下。生怕梟聲在屋頭。

曠原風起劫灰揚。尚記當時極樂場。楊柳春殘荒陌月。李花夢冷廢園霜。假啼人自流真淚。垢面誰能扮艷粧。縱異阿房秦代厄。熟看浮世感滄桑。

丙辰

新春八日。携小弟游叡陰初音里梅莊。遂飲鶯春

亭。

黃鳥從來是友朋。新聲呼我舊亭僮。瘦梅有影晚懸月。淺水無音春帶冰。遊避繁華唯伴弟。境曰清淨便逢僧。東台東畔醉歸好。一路香風吹店燈。

平薩州宿櫻下園

旗影紅暗春日暮。窮途猶具風流趣。宿向花下花是主。一場春夢和香霧。空桑有戀况名花。詠罷花陰仍小住。明日落花春可惜。鐵衣香惹一夕露。

宿澁谷長谷寺中一夜書院留此而去

一片青山禪榻前。花含遺愛尚清妍。詩人不說封侯事。

只結來生熟睡緣。

飛鳥山下送枕夫子游上武次其留別韻

落花飛鳥暮山春。君去苦吟留此身。香霧濕衣風欲雨。殘陽暗促遠遊人。

蕨筍圖

雨餘筍蕨各抽萌。收向香厨試一烹。風味絕佳何所似。孟宗寒配伯夷清。

集桃李園序中字

煙月開芳酒。高懷大有神。觴飛如羽客。花秀也天人。園况過金谷。生何慚季倫。醉談連坐樂。良夜若為春。

西行望嶽圖

昨日山河橫朔臣。今朝雲水打包身。好開高眼收名嶽。也是當年不二人。

送春次清人韻

美人凝怨立牆陰。石上香殘苔色深。知道春魂招不返。東君今已抱歸心。

綠暗殘桃一徑陰。湯貧結子露何深。花猶妓女春猶客。將別情勝未遇心。

村家四月詞

近村濃綠遠村煙。釀雨涼雲暗半天。戴勝聲聲如有勸。

播吾百穀布吾田。

墻桑頭禿夏先瘦。隴麥鬚掀秋正肥。成就阿爺溫飽計。男供新穀女生衣。

水郭首夏

蒲葉蘆芽綠一川。清和四月雨餘天。青簾弄影涼波外。花蛤船為酒肉船。

夏淺不淺深川水。春殘不殘新地花。莫使鐘聲排戶入。有人猶夢舊繁華。

賦得四月清和雨乍晴

滿城花雨歛霏微。新暑烘烘便弄威。人面紅消煩惱盡。

佛頭綠現障魔非。薰風已扇黃香枕。涼氣還侵白傅衣。最喜太平真有象。瑞雲連野麥齊肥。

紫藤花

花紫何容惡。薰風染得深。看來柔且媚。無復奪朱心。

薄命佳人限韻

人美於玉玉破碎。命薄于雲雲晦潛。滿苑繁華能幾許。狂飈破曉花飛簾。金屋夢回情悄悄。不省天時換涼炎。麝蘭篝畔和衣睡。日永無意讀香奩。憶昨相戲手相贈。芍藥一枝紅露沾。輕羅小扇空在手。猶自撲螢勞玉纖。

松魚 成島學士詩會揭題

蘆洲詩集卷之四
十一
上市鉛錘趁曉涼。酒厨收拾費商量。碧鮮割玉霜刀冷。
紅膾翻花象箸香。隻尾掃空饒客席。片身傾盡俠人囊。
他時為脯供時用。骨節如松弱化強。

初夏木田子戰北歸將省母病。余賦七古一篇聊

代贈言。

諺云深山之樵夫產仙神。又云大野之駕馬生麒麟。關
北先算信中美。宜哉往往出偉人。春臺先師生于此。文
質彬彬善終始。我高祖父立其門。後裔吾尚奉夫子。子
戰學文也足賢。曾出山村向江天。熙堂相遇情親洽。母
乃前生訂文緣。未幾歸鄉省母病。我雖惜別將如何。維

時首夏田布穀。別後農事日應多。噫嘻子戰勤勿忘農
務。農乃太平保國固。噫嘻子戰苦勿廢文學。文是昭代
經世具。餘力學文寧無功。兗園一冊道畧通。君不見曾
子元是擔薪叟。又不見由也仍復負米人。我望子戰追
前哲。行兼文才無優劣。行美子戰記吾言。北禽啼血別
腸熱。

月下秧田

南郊一夕歛梅霖。月在新秧田水深。涼色平鋪剌剌毯。
翠華微閃織織鍼。插秧纔歇人掩戶。夢遶夏畦猶辛苦。
遠隍風吹歌吁喁。平疇烟抹影傴僂。未知炎帝憐汝生。

惟有素娥慰此情。起來繪出幽風圖。分付銀箋一幅明。
雨餘溪上
溪光經雨弄清奇。又就楊陰理釣絲。三日不來磯上石。
苔痕已著掛蓑枝。

竹溪漁隱圖

此翁不學晉七賢。此翁不學唐六逸。夏釣且冒玄真名。
帝師敢干太公術。童善削竿玉色潤。妻能編籠翠紋密。
碧雲溪上青篾舟。共就清陰避畏日。

石榴二首

曾落張騫手。今垂安石名。天漿醫肺渴。只好貯金罍。

丹荔似而非。嚼之涼氣霏。不曾呈諂笑。只解療清饑。

醉鍾馗

明皇一枕晝夢短。終南進士恩先斷。小鬼盜笛誰復叱。
終南進士望已失。進士有袍難被恩。進士有劍屬無用。
藍袍贖琴對誰彈。霜劍換酒聊自供。解事小妹念兄憂。
暗為阿兄運一籌。石榴之錄艾葉帳。送之酒肆購一甌。
妹酌兄能飲。妹獻兄且鬪。夜深殘杯冷。風淒古石樓。偃
起按劍目眦裂。欲為天下除妖孽。何為朝廷不再召。蒙
塵之辱無由雪。莫聞長生殿上誓。莫見馬嵬坡下別。進
士只合老終南。磨劍之石碧苔毯。一片忠魂恨難堪。髯

戟森森缺齒含。掃盡深愁唯酒可。為妹暫時樂且耽。
陰雨濕煙鎖禪窟。忽怪一團燄火發。豈有幽魂恨未消。
古塚青苔埋白骨。老僧相見拍手笑。口吟韓詩興鬱勃。
便知五月照眼明。絳英映雨芳未歇。噫人之生不如花。
纔遭障魔便衰竭。已知燭影滅暗風。又見螢光消明月。
齊有孟嘗君。其名重當年。後世論之者。其言非公然。我
試讀其傳。長晝雙眼穿。少小志雖大。長壯德有愆。胡為
鷄狗輩。溫飽占賓筵。却令禪鉢士。其食無魚鮮。得士能

幾箇。養客空三千。絕嗣長不祭。任俠名空傳。萬事誰無
始。其終難能全。雖然斯人偉。獨為三君先。想見父不棄。
長養五月天。撫古掩卷坐。淒風颯窓前。

白紵詞二首

冰樣涼衫新裁成。佳人自喜稱體輕。身上不著人間暑。
粉面無汗玉色清。閒依屏角影。皓潔水晶雲母相映徹。
浴罷生怕晚風涼。素馨吹灑滿身雪。

機石一擲銀漢邊。河東美人新粧鮮。御風直下明月底。
市人驚見人中仙。六月城中翻清雪。為君一夜銷炎熱。
夜深誰擬結好緣。縞袂飄飄不可褻。

夏日訪服部樂山幽居地名笹原。曰以竹深避暑
為題同賦。分得有字。

煩暑如酷吏。城中流毒久。大叫我發狂。避此將何之。賴
有瀟灑侯。塵外領幽藪。我欽其清風。勁節真吾友。此君
好襟抱。於我情偏厚。吹灑萬斛涼。一洗揮汗手。獨坐傲
炎皇。高卧勝北牖。恍覺骨已仙。步虛如有詩。直過渭水
濱。更到湘浦口。帶雪玩八景。和霜踰千畝。清寒徹我骨。
一覺日沒酉。身在碧雲林。鄉如無何有。

桶狹間懷古

并引

庚戌之秋。予戍于浪華。甲寅之夏。再役于京師。

屢經此地。竟不作詩。今茲丙辰夏日。得松巖閣
揭題。愴然追憶。乃賦二律。

誰言天道果悠悠。禍福從來其所求。賢不侮人常有警。
氣能盖世竟無謀。雙城檄發連營醉。三將頭懸太守憂。
今日荒原雷雨霽。夕陽寒蟋不堪愁。
怒濤鳴徹海之濱。忍看英雄跡已陳。茶店驚殘行客夢。
松墩吹起戰場塵。歛襟能服三州地。下手難防一隊人。
賴有幽魂相慰藉。護邱苔碣悉親臣。

東台夜歸

醉歸衝雨出僧房。月暗琳宮夜有光。嵐氣滿山塵氣滅。

唯聞一徑橘花香。

夏夜

翫景忘宵短。池光經雨澄。蛙鳴幽館鼓。螢點暗窓燈。索句仍搖脛。思眠又曲肱。新荷紅欲折。隣叟約晨興。

夏時讀書樂

夏日雖可畏。非無耐熱方。我有讀書樂。可以消日長。池上一叢竹。揀陰移筠床。汲泉煎茗。掃石焚清香。此間占幽坐。翛然繙縑。書編混莊列。詩什雜晉唐。應向遠林景。暑氣避草堂。勝他北窓下。高卧傲羲皇。誰知讀書客。心靜即身涼。身脫甑中苦。世事付坐忘。

八月朔同枕夫子柳圃老人玉泉師泛舟墨川
晴後澄江纔幾篙。輕舟恰好載詩豪。西風兩岸滿肩冷。
濤勢未高秋氣高。

六藏龜圖

確堂學士席上

翰苑蓄藏勝石渠。何唯竒書滿五車。壁上一幅果非俗。
畫出靈龜似警余。不見曝背就午晴。不見曳尾混泥淤。
只見縮藏靜不動。有似幽人數吸噓。退而足發聖所說。
知汝如愚孰能如。古圖千年養壽久。知名不要大史書。
回首一笑泉陽旗。華服枉遭困豫且。

白鷄冠花

含芳不發五更啼。潔質昂然愛露棲。賜錦暫時春夢覺。
學玄今日素心睽。花和殘月開茅店。人誤明星出玉閨。
試問絳裝宮裏輩。何如縞幘立秋畦。

讀幽詩

我嗟農家苦。有口不能言。載陽連卒歲。日夜不耐煩。條
桑趁昧爽。獲稻及歛昏。有米不敢飽。有帛不敢溫。一物
非吾有。持以奉至尊。年租豈易了。壯者或逃奔。老者雖
然冷。授衣例難援。異哉閒士女。驕奢在朱門。遊手錦作
服。安坐玉為殮。請讀七月詩。艱難始可論。後代范居士。
盡意賦田園。我亦讀此篇。寫感役吟魂。又是流火候。夜

涼入郊村。

間下文机老人挽詞

世情多是重東家。知己一言空嘆嗟。惆悵佳緣難了得。
淚沾遺愛女郎花。

此老終無骨肉親。克家之子要他人。滿筒曾貯鏡千貫。
治喪費餘仍饗賓。

三高士

霸越功成計不違。五湖煙水好忘機。故人恰有大夫種。
盍向扁舟同載歸。范蠡
拋擲浮名意欲仙。一杯只樂酒中天。歸舟取適無他意。

道是知機是偶然。張翰

江湖獨占散人名。四馬何曾向帝京。眼底烟波三萬頃。扁舟一棹入空明。陸龜蒙

仲秋初八訪栗原醉月。擇玉泉相跡至此日殘熱殊甚。乃以秋暑侵人氣力微為韻同賦。原七

清風似避故人樓。煩暑難逃酷吏謀。好倩水田衣裏手。招他西界未來秋。

步到秋叢寂多處。聚芳館勝百花墅。芙蓉一本惹人憐。未可拒霜先拒暑。

薄暮主人催淺斟。清涼稍覺滌煩襟。吾生易作吳牛喘。

見月還驚返照侵。

飲我君何比雜賓。遇君我亦見吾真。詩論却似狂蕉逐。雄辯能驚座上人。

黑質白章饒舊味。問他舉網舟游費。主人開口滿堂秋。

語帶江風山月氣。

詠十一夜月

佳辰過八朔。漸漸近中秋。青女欲生妬。素娥猶帶羞。看殘眉譜掩。坐久鏡奩收。仙桂孰先折。天香雲外浮。

豐年謠

擊壤之聲喧四陸。十雨五風思堯時。黍稷重穠稻多穗。

蘆洲詩鑑卷之四
秋滿西野黃雲垂。已了官租充太倉。家家剩蓄三年糧。兩鍾可輸一斛米。猶有糖覈飽兒郎。百錢更賣一斗酒。不妨茅柴醉老叟。旅鴈無愁野雀喧。埘鷄不殺柵豚壽。太平之象欽豐年。各得其所樂吾天。無用民亦蒙王澤。二項早熟養鶴田。

熙熙堂席上。同諸子分詠看月得定中。乃以定字為韻。

人生如幻夢。世界亦昏暝。誰知新月出。發此清秋興。獨有靜坐僧。瓊樓先入定。看破真如月。慧眼長自醒。境高天籟生。夜深秋氣冷。愛此不二門。欲敲迷幽徑。仙桂多

此境。欲攀遂不聽。

又得馬上。仍以馬上二字為韻。

醉似知章人已雅。月色况非風塵下。月照今人同古人。也知乘舟如乘馬。我之與馬影成三。月更為我移萬象。秋氣消醉如雪寒。賞月亦疑驢背上。

蟲聲

不似當年籠底聲。草間一種怨秋鳴。金鐘兒攪佳人夢。紡績孃牽懶婦情。明月上床誰顧曲。繁霜在宇獨聞更。知音但有吟詩客。尚記豳風七月名。

秋江晚渡圖

水國秋深晚色勻。暮花紅老夕陽津。三三五五來呼艇。
誰是青春映柳人。
暮岸烟汀阻且長。淒淒秋色帶殘陽。去舟在眼伊人遠。
白露蒼葭水一方。

白胡枝花

誰移胡種入秋城。堪補中華芳譜名。映向玉人憐薄命。
插供金佛證前生。涼痕點徑烟偏淡。曙色裝欄雨乍晴。
一滴楊枝能化汝。白衣臨水影晶晶。

秋晚書懷

秋晚逾知駒影駸。青年我已惜分陰。愁顏吹老霜飛戶。

警枕支殘月轉林。溫國題名猶可記。晦庵勸學更堪吟。
昨來風雨掀高屋。梁棟良材用在今。

秋懷步成島學士芳躅

聖代從他笑獨醒。懶陪名士向宮庭。濯纓只合臨秋水。
垂釣何堪伴客星。語欲驚人仍索句。材難濟世薄談經。
玉堂賴有紫薇好。容我縱觀門不扃。

丑時咀依廣瀨梅墩老人韻

新花奪春香露結。舊花燃怨心火熱。菩薩之相化夜叉。
外面內心無分別。老杉鎖廟無人境。霜屐聲高四邊徹。
陰風吹亂鬢雲寒。暗處晚樹目眇裂。一釘兩釘響冬冬。

柔荑生刺瓠犀齒。笑中未必有利刀。妒念殺人勝寸鐵。
回踵獨笑逢卧牛。一躍顧後神燈滅。

題陸龜蒙像

澄潭蘸月玉生煙。此語評公豈偶然。無奈春愁游絲墮。
人間誰識鶴髮仙。華飛蝶駭春如夢。秋風鳴榔太湖天。
太湖三萬六千頃。千古高趣在一船。

老荷

鏡光秋暗玉銷烟。不似春深疊綠錢。暮雨淚流湘水面。
晨霜夢斷華山巔。魏家杯冷魂難醉。楚客衣寒影可憐。
憔悴如今誰顧汝。曾張高蓋府門前。

讀歸去來辭

折腰固辭寄奴祿。乞米向隣貧亦福。嘉遯之方若可求。
歸去一賦須細讀。兩晉無文有斯篇。翁也高風宛在目。
可知在縣拜督郵。不如入門對僮僕。歸來三徑雖秋荒。
恰及山中酒正熟。胸間豈無天下憂。消以三尺無絃木。
縱然當世少知音。卷中知心交如宿。恍疑滿把清香迸。
向我如笑東籬菊。

假山在某園

我心久學白雲間。剝啄來叩高士關。未知堂上生楓樹。
忽見籬畔有青山。吠客狗驚乳牝吼。馴人鷺誤放鶴還。

主人心匠補造化。使我市中對孱顏。山色如真人亦仙。
高僅九仞非人間。隔牆滾滾紅塵湧。涼翠在眼無人攀。
枕夫子令室某氏輓詞。時安政丙辰十月朔日也。
昨來已怕秋光盡。今日安知月魄蘇。萱草滅陰人愈老。
荆花分影樹方枯。芳聲終古夫君並。冷骨重泉乃父俱。
只惜病軀難結子。熙熙春欠養成娛。
獨舞孤鸞鏡一措。畫眉窓下暗塵埋。死先夫子雖餘恨。
生嫁斯人是本懷。沈麝吹香魂不返。副筭留淚老難偕。
悼亡賴有安仁賦。想見泉臺願已諧。

不倒翁

掉首何要杖策扶。老來益壯踏危途。直躬未敢忘顛仆。
失足仍能嗜戲娛。面絕微瑕曰假粉。腹無一物只如瓠。
樽前不學傲傲舞。歌倒嗤他勸酒胡。

讀隨園集有感

名教何曾管隱淪。風流才子樂天真。虛襟不著嫌疑念。
手把詩章授美人。

司馬長卿像

長卿好才調。文章真吾師。餘事及琴瑟。更見閒雅姿。文
君耳太聰。知音寄相思。夫子親滌器。家貧妾不辭。紅粉
當壚坐。春繫弱柳絲。文園春雨密。夢佳蜂蝶知。人皆嘲

夫子愛色曾批之。我知夫子意。愛其明慧資。誰知憂國士。撫絃固戲嬉。君讀上林賦。諷諫補明時。

後赤壁集字

望月携肴酒。幽人何所之。登山能有樂。臨水可無悲。岩
巨孤舟小。松高斷岸危。風霜清夜凜。衣薄亦應披。
霜月江山白。酒清人亦幽。暮天鱸落網。子夜鶴過舟。昔
已知其夢。今何得此游。名聲長不盡。之子蓋風流。
東流噫不止。昔者去如歸。赤壁月長在。雪堂人已非。霜
岩留白石。風葉落黃衣。庖嘯令無客。有時孤鶻飛。
月高天有影。木落地無聲。步石呼龍睡。攀巢見鶻驚。孤

舟半夜出。千載一人行。已矣今之士。安能得此名。

南天燭

盆中冬景小。窓陰護得珊瑚鐵。網深華燭偏疑移。玉案
丹砂或恐化黃金。數珠明落雖僧手。雙月寒生古佛心。
莫是前身天竺國。散花看盡老叢林。

湖村霜曉

木落空湖冷。村橋一路荒。逐人沙蟹走。侵夢岸橙香。砧
石寒留月。漁篷白逗霜。也知孤鴈凍。哀叫近前塘。
醉月兄園中菊花盛開。一日置酒招余。余乃賦此
以贈。

蘇州詩集卷之十
三十一
吾兄少無適俗韻。吾兄性本愛邱山。比兄淵明兄許否。
我之此語非偶然。滿園秋菊有佳色。和露掇英仍鮮妍。
片片泛此忘憂物。悠然一醉東籬邊。今日應知望三益。
新開幾徑重開筵。殊以故人待吾輩。吾輩敢比龐通賢。
龐通未識王弘面。如何送酒到兄前。兄亦不要一樽酒。
家中自有種秫田。醉月樓薰清香醪。聚芳館炫黃金錢。
不見東隣去乞米。只見南園醉欲眠。淵明非舊家道富。
隱逸之風尚獨傳。我知平生高尚志。折腰不屈督郵權。
囑君今日絕塵想。早賦歸去來兮篇。

蘇屬國像

十九年後二千石。歸來鬢髮乾霜新。却勝馬畜彌山富。
八十壽高杜陵春。斯公所重在恩義。不比衛律是叛臣。
天豈橫身膏草野。人能寫真補麒麟。只恨一鳧南翔日。
茂陵松栢雨吹塵。

冬日牡丹

桃時杏日不爭春。霜節東風別有因。殿得芳群非敢後。
紹來香祖亦維新。檀心破臘薰金屋。玉頰衝寒醉紫辰。
看到雪中何所似。紅靴妙妓踏瓊塵。

至前看梅二首次坡公松風亭韻

有女懷春江邊村。暗通芳信招吟魂。我衝深寒來相問。

猶是淺暮未斂昏。却笑主人長閉戶。春在枝頭不窺園。
應怕凍雲釀夜雪。紙帳竹爐要深溫。或待天上日南至。
湍窓新暖生新暎。誰料巡簷花一笑。已迎吟人出籬門。
相逢月下影亦好。縞袂掩羞未敢言。此時春色非落莫。
一樹梅花一酒樽。

數畝誰擬古范村。千樹春前返芳覓。就中一種開最早。
照破凍雲釀雪昏。非是市花催促發。自有芬香溢庭園。
不乞橐駝裁接巧。不假唐宮薰蒸溫。何待世上南至候。
故奏雲物向晴暎。誰知此地陽已復。我喜拜冬未至門。
此花此日有矜色。曾稱香祖非虛言。詩若不成我有責。

罰以冬釀第一樽。

河豚

河豚江淮呼。鮪魚北山認。曾無膽鱗腮。醜狀嫌一瞬。有
聲目能睚。毒更可驚震。此物始上市。眾味皆為擯。何況
好事者。甘毒以身殉。煖鍋供寒厨。似誇木鐸徇。尤愛西
施乳。貪饒錢不恪。宜和荆芥煮。無毒皆可進。吾友酷愛
之。欲乞他餘餒。猶豫難自決。過余且問訊。余呼莫莫莫。
危于踏白刃。其中有如炮。俗言固不啻。君聽陶九成。其
言余所印。莫讀相感志。其說不可信。相感志書名

炙硯

曉夢詠梅花。衝寒早凭几。宿墨猶堅冰。欲寫情何已。待
暇亦嫌迂。持硯爐邊倚。側有添火童。問余忙何爾。余云
有所思。詩擬林處士。童乃啞然笑。處士何可擬。雙鶴化
已仙。孤山寧可企。君面已抵鐵。不知技止此。莫言覩冰
厚。面皮更甚矣。不如拚凍硯。併筆付焚燬。余面火同紅。
顙泚中心恥。

梅竹圖

林下延清友。湖邊伴綠卿。不容桃李輩。只結歲寒盟。

蘆洲詩鈔卷之中

邨嘉平刻

DOORU 垣

